



Broj: 1893-09-1/2026
Sarajevo, 22.07.2026. godine

Na osnovu Pravilnika o ishrani učenika u osnovnim i srednjim školama Kantona Sarajevo („Službene novine Kantona Sarajevo“, broj: 10/24), Odluke jelovniku za osnovne i srednje škole u Kantonu Sarajevo za školsku 2025/2026. godinu, broj: 11-07/01-34-39008-2/25 od 11.08.2025. godine, Pravila školske ishrane JU Srednja zubotehnička škola Sarajevo, broj: 1975-01-1/24 od 18.09.2024. godine i Odluke Školskog odbora o raspisivanju javnog poziva za dostavljanje ponuda za odabir najpovoljnijeg ponuđača za davanje u zakup prostora školske kuhinje, broj: 1882-01-1/2026 od 20.07.2026. godine, JU Srednja zubotehnička škola Sarajevo, *o b j a v l j u j e*

JAVNI POZIV
za dostavljanje ponuda za odabir najpovoljnijeg ponuđača
za davanje u zakup školske kuhinje

PREDMET JAVNOG OGLASA

Predmet ovog Javnog poziva je zakup školske kuhinje, u cilju redovnog snadbjevanja učenika i radnika JU Srednja zubotehnička škola Sarajevo užinama.

DUŽINA TRAJANJA ZAKUPA

Kuhinja se izdaje u zakup od 01.09.2026. godine do 30.06.2027. godine.

POSTUPAK IZBORA

Postupak će provesti komisija za javne nabave koju imenuje Školski odbor.

Početna cijena mjesečne zakupnine iznosi **800,00 KM** (osamstotina i 00/100 KM) mjesečno. Troškovi vode se taririfiraju na način da zakupac plaća 30 % od ukupnih troškova vode za školu. U cijenu nisu uključeni troškovi električne energije i naplaćuju se srazmjerno potrošnji.

Po Javnom pozivu će biti izabran onaj učesnik koji ponudi najveću zakupninu, nakon čega će se sa odabranim ponuđačem zaključiti Ugovor o zakupu školske kuhinje.

PONUĐAČ MORA DA ISPUNJAVA SLIJEDEĆE USLOVE U POGLEDU KVALITETE UŽINA:

1. užine nutritivno prilagođene psiho – fizičkim potrebama i uzrastu učenika u skladu sa normativnim tabelama koje su sastavni dio Pravilnika o ishrani učenika u osnovnim i srednjim školama Kantona Sarajevo;
2. da ima prihvatljiva organoleptička svojstva (okus, miris, boju);
3. da je usklađena sa Jelovnikom za osnovne i srednje škole u Kantonu Sarajevo za školsku 2025/2026. godinu;
4. da je zdravstveno ispravna i ispunjava sve uslove kvaliteta koje propisuje Zakon o hrani („Službeni glasnik BiH“, broj 50/04);
5. da ima razuman odnos između kvalitete i cijene;
6. zadovoljstvo korisnika.

USLOVI KOJE MORA ISPUNJAVATI SUBJEKAT U POSLOVANJU SA HRANOM SU SLJEDEĆI:

1. da u svom poslovanju osigura nesmetanu provedbu svih propisa o hrani;
2. da kantine ili kuhinje u kojima se priprema hrana moraju biti opremljene po odredbama Pravilnika o higijeni hrane („Službeni glasnik BiH“, broj 4/13);
3. da nabavlja sirovine, obavlja pripremu školskog obroka i užine, dostavlja užinu, vrši serviranje užine uz uspostavljanje, implementiranje i održavanje svih procedura baziranih na HACCP sistemu;

4. da imaju uspostavljenu HACCP dokumentaciju koju su obavezni redovno voditi;
5. da isporuči proizvod koji je potpuno odgovarajući i propisno deklarisan u skladu sa odredbama Pravilnika o pružanju informacija potrošačima o hrani ("Službeni glasnik BiH", broj 68/13).

PONUDA TREBA DA SADRŽI:

1. naziv, adresu i identifikacioni broj,
2. ovjerenu kopiju rješenja o upisu u sudski registar ili odgovarajući dokument o registraciji izdat od strane nadležnog organa, prema važećim propisima o obrtnicima/preduzetnicima (ne stariju od 6 mjeseci),
3. Certifikat HACCP,
4. Certifikat ISO 9000/9001 primarno je orijentisana na upravljanje kvalitetom,
5. Certifikat ISO 22000 odnosi se na zdravstvenu sigurnost (Food safety management),
6. katalog proizvoda (užina) sa navedenim nutritivnim vrijednostima i fiksnom cijenom proizvoda,
7. fiksnu cijenu za zakup,
8. reference o dosadašnjem radu.

Jedan ponuđač može dostaviti samo jednu ponudu.

Prava i obaveze između ugovornih strana regulisat će se ugovorom.

Prostor kuhinje se može pogledati svakim radnim danom od ponedjeljka do petka u vremenu od 09:00 do 11:00 sati, u roku od 10 (deset) dana od dana objavljivanja ovog oglasa, a koji se oglašava na web stranici i oglasnoj ploči škole, dana 22.07.2026. godine, te ostaje otvoren 10 dana od dana objave.

NAČIN PODNOŠENJA PRIJAVE

Zapečaćenu kovertu uz napomenu „PRIJAVA NA JAVNI OGLAS ZA ZAKUP ŠKOLSKE KUHINJE- NE OTVARATI“ slati poštom ili predati lično na adresu: JU Srednja zubotehnička škola Sarajevo, Čekaluša 84, 71 000 Sarajevo.

Rok za dostavljanje ponuda je 03.08.2026. godine do 11:00 sati. Nije predviđeno javno otvaranje ponuda. Svi ponuđači će pismeno biti obaviješteni o rezultatima javnog poziva.